

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«-----» փետրվարի 2013թ.

N----- -Ա

ՈՐՈՇՈՒՄ

ԵՐԵՎԱՆ ՔԱՂԱՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 34-րդ գլխի կանոններով, Երևան քաղաքի ավագանու 2012 թվականի դեկտեմբերի 25-ի «Երևան քաղաքի սեփականություն համարվող գույքն օգտագործման տրամադրելու և օտարման 2013 թվականի ծրագրի վերաբերյալ» հ.580-Ն որոշման հավելվածով հաստատված ծրագրի 4-րդ կետով՝

Երևան քաղաքի ավագանին որոշում է.

1. Թույլատրել Երևանի քաղաքապետին Արարատյան 1-ին զանգվածի թաղամաս հ.4/1 շենքի հ.28 բնակարանի Երևան համայնքին սեփականության իրավունքով պատկանող 1/9 բաժնեմասը (անշարժ գույքի նկատմամբ իրավունքների պետական գրանցման 16.05.2012թ. հ.16052012-01-0901 վկայականը) սեփականության իրավունքով անհատույց օտարել (նվիրել) Արմենակ Գևորգյանին:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ԵՐԵՎԱՆ ՀԱՄԱՅՆՔԻ ՄԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Արմենակ Գևորգյանի լիազորված անձ Նարինե Ներսիսյանը դիմել է Երևանի քաղաքապետարան՝ Արարատյան 1-ին զանգվածի թաղամաս հ.4/1 շենքի հ.28 բնակարանի նախկին բնակիչ՝ հանգուցյալ Սիրանուշ Պետրոսյանին պատկանող 1/9 բաժնեմասը, որը հանդիսանում է Երևան համայնքի սեփականությունը (հիմք՝ անշարժ գույքի նկատմամբ իրավունքների պետական գրանցման 16.05.2012թ. հ.16052012-01-0901 վկայականը) Ա.Գևորգյանին մասնավորեցնելու խնդրանքով:

Սիրանուշ Պետրոսյանը՝ մահացած 10.06.2000թ., Արմենակ Վանոյի Գևորգյանի խորթ մայրն է, 05.10.1966թ. ամուսնացել է Վանո Գևորգյանի հետ (հիմք՝ ամուսնության վկայականը): Հոր մահից հետո Արմենակ Գևորգյանն է պահել և խնամել Սիրանուշ Պետրոսյանին:

Համաձայն Հայաստանի ազգային արխիվի 04.05.2011թ. հ.853 արխիվային տեղեկանքի՝ ՀՀ պատգամավորների Երևանի Շահումյանի շրջխորհրդի գործկոմի 14.07.1994թ. հ.20/489 որոշմամբ Արարատյան 1-ին զանգվածի հ.4/1 շենքի հ.28՝ երկու սենյականոց բնակարանը սեփականաշնորհվել է Սիրանուշ Պետրոսյանի, Արմենակ Գևորգյանի, Անահիտ Կարապետյանի, Գրիգոր Գևորգյանի, Արսեն Գևորգյանի, Էդուարդ Գևորգյանի, Նարինե Գևորգյանի, Արման Գևորգյանի և Անահիտ Գևորգյանի անվամբ:

ՀՀ քաղաքացիական օրենսգրքի 1184 հոդվածի համաձայն, ժառանգության դեպքում մահացածի գույքը (ժառանգությունը) անփոփոխ վիճակում, որպես միասնական ամբողջություն, անցնում է այլ անձանց, իսկ 1185 հոդվածի համաձայն ժառանգությունը կատարվում է ըստ կտակի և ըստ օրենքի: Ժառանգությունը կատարվում է ըստ օրենքի, եթե չկա կտակ, կամ դրանում սահմանված չէ ամբողջ ժառանգության ճակատագիրը, ինչպես նաև ՀՀ քաղաքացիական օրենսգրքով սահմանված այլ դեպքերում:

Տվյալ դեպքում՝ Սիրանուշ Պետրոսյանը չունի ոչ ըստ կտակի և ոչ էլ ըստ օրենքի ժառանգներ:

Քանի որ բացակայում է Արմենակ Գևորգյանի, Անահիտ Կարապետյանի, Գրիգոր Գևորգյանի, Արսեն Գևորգյանի, Էդուարդ Գևորգյանի, Նարինե Գևորգյանի, Արման Գևորգյանի և Անահիտ Գևորգյանի և ժառանգատուի ազգակցական կապը հաստատող որևէ ապացույց, հետևաբար Արարատյան 1-ին զանգվածի հ.4/1 շենքի հ.28 բնակարանի

Սիրանուշ Պետրոսյանին պատկանող բաժնեմասը հանդիսացել է անժառանգ գույք, որի նկատմամբ Երևան համայնքը ձեռք է բերել սեփականության իրավունք (հիմք՝ անշարժ գույքի սեփականության իրավունքի գրանցման 16.05.2012թ. հ.16052012-01-0901 վկայականը):

Համաձայն Մալաթիա-Սեբաստիա վարչական շրջանի 19.07.2012թ. հ.26/15-4602 գրության, Արարատյան 1-ին զանգվածի թաղամաս հ.4/1 շենքի հ.28 բնակարանն օգտագործվում է նույն բնակարանի բնակիչ Արմենակ Գևորգյանի ընտանիքի կողմից և չի առարկել նախկին բնակիչ՝ հանգուցյալ Սիրանուշ Պետրոսյանին պատկանող 1/9-րդ բաժնեմասը, որը հանդիսանում է Երևան համայնքի սեփականությունը, անհատույց օտարելու Ա.Գևորգյանին:

Ներկայացվել է Արարատյան 1-ին զանգվածի թաղամաս հ.4/1 շենքի հ.28 բնակարանի մյուս սեփականատերերի հայտարարությունը՝ հօգուտ Ա.Գևորգյանի, բնակարանի 1/9-րդ բաժնեմասից հրաժարվելու վերաբերյալ:

Հաշվի առնելով վերոգրյալը «Երևան համայնքի սեփականություն համարվող բնակարանն անհատույց օտարելու մասին» Երևան քաղաքի ավագանու որոշման ընդունումը պայմանավորված է հարցի կարգավորման անհրաժեշտությամբ:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ
ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ
ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ՈՐՈՇՈՒՄՆԵՐԻ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող
բնակարանն անհատույց օտարելու մասին» որոշման նախագծի ընդունման առնչությամբ
այլ իրավական ակտերում փոփոխություն կատարելու անհրաժեշտություն չկա:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ
ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ
ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Երևան համայնքի սեփականություն համարվող
բնակարանն անհատույց օտարելու մասին» որոշման նախագծի ընդունման
կապակցությամբ Երևանի բյուջեում չի նախատեսվում եկամուտների և ծախսերի
փոփոխություն:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ